

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

যুক্তরাষ্ট্র-বাংলাদেশ যৌথ উদ্যোগে অনুষ্ঠিত সভায় মানবপাচার সংক্রান্ত আইন বিষয়ে আলোচনা

ঢাকা, ২ৱা আগস্ট -- ‘ইউএসএআইডি’ বাংলাদেশের ভারপ্রাপ্ত মিশন পরিচালক ডেনিস শর্মা ও স্বরাষ্ট্র মন্ত্রণালয়ের যুগ্ম সচিব ড. কামাল উদ্দিন আহমেদ ২ৱা আগস্ট একটি দিনব্যাপী ‘মানব পাচারের বিরুদ্ধে সমন্বিত আইন’ বিষয়ক আলোচনা সভার উদ্বোধন করেন। এই সভায় বাংলাদেশ সরকারের উর্ধ্বতন কর্মকর্তারা, গণমাধ্যম, উন্নয়ন অংশীদার ও সুশীল সমাজের নেতৃবৃন্দ অংশগ্রহণ করেন। হোটেল লেক ক্যাস্ল-এ অনুষ্ঠিত এই সভাটি ‘ইউএসএআইডি’-অর্থায়নপূর্ণ মানবপাচার রোধে করণীয় “অ্যাকশন্স ফর কমব্যাটিং ট্র্যাফিকিং-ইন-পারসন্স” (“এসিটি”) কর্মসূচির অংশ হিসেবে প্রস্তুত ও উপস্থাপন করা হয়।

এই অনুষ্ঠানের প্রস্তুতি হিসেবে আয়োজকরা ছয়টি জেলা ও সাতটি উপজেলায় স্থানীয় পর্যায়ে অনেকগুলো বৈঠক করেন যেখানে সরকারী আইনজীবী, স্থানীয় সরকারের কর্মকর্তাগণ, আইন প্রয়োগকারী কর্মকর্তাগণ, এনজিও কর্মীবৃন্দ, এবং আইনজীবীরা প্রস্তাবিত আইন সম্বন্ধে তাদের মতামত, পরামর্শ ও প্রস্তাবনাগুলো তুলে ধরেন। সোমবারে অনুষ্ঠিত জাতীয় পর্যায়ের এই সেমিনারটি প্রস্তাবিত সমন্বিত মানবপাচার বিরোধী আইন প্রণয়নে সহায়তার লক্ষ্যে “এসিটি”-কে মাঠ পর্যায় থেকে সংগৃহীত আরো তথ্য নীতি নির্ধারকদের সামনে তুলে ধরার সুযোগ করে দেয়।

ইউএসআইডি/বাংলাদেশের মাধ্যমে যুক্তরাষ্ট্র সরকার বর্তমানে ৩৫ লক্ষ ডলার মূল্যমানের চার বছরব্যাপী “এসিটি” কর্মসূচি অর্থায়ন করছে। এই কর্মসূচিটির লক্ষ্য হচ্ছে স্থানীয় ও জাতীয় সরকারের প্রতিনিধিদের, বেসরকারী উন্নয়ন সংস্থাগুলোকে, নাগরিক ও কম্যুনিটি নেতৃবৃন্দদের মধ্যে যোগাযোগ গড়ে তোলা যাতে করে ভবিষ্যতে মানবপাচার রোধ করা যায়, উদ্বারকৃতদের সুরক্ষা প্রদান করা যায় এবং অপরাধীদের বিচার করা যায়। কর্মসূচিটির শুরু থেকেই “এসিটি” ৪২৫ জনেরও অধিক পাচারকারীদের কবল থেকে উদ্বারকৃতদের নিরাপদ আশ্রয়, স্বাস্থ্যসেবা, উপদেশ প্রদান ও আয়ের সুযোগ করে দিয়ে তাদের কম্যুনিটিতে নিরাপদে প্রত্যাবর্তনে সহায়তা করেছে।

=====

জিআর/ ২০১০

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮০-৭১৫০-৮, ফ্যাক্স: ৯৮৮৫৬৮৮; ই- মেইল: DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।